

第三處：入法界

(三會)

一. 室羅筏國逝多林給孤獨園

二. 福城東大塔廟

三. 善財童子五十三參



入 法 界 品

三. 善財童子五十三參

妙 覺
彌勒菩薩
文殊菩薩
普賢菩薩

華嚴經普賢菩薩行願品之十大願王之一		
讚歎 如來功德		爾時，普賢菩薩摩訶薩，稱歎如來勝功德已，告諸菩薩及善財言：善男子！如來功德，假使十方一切諸佛，經不可說不可說佛刹極微塵數劫，相續演說，不可窮盡！若欲成就此功德門，應修十種廣大行願。何等為十？
十依 種十 廣波 大羅 法蜜 界圓 行滿 起	佛	一者、禮敬諸佛
	法	二者、稱讚如來
	僧	三者、廣修供養
	精進	四者、懺悔業障
	禪定	五者、隨喜功德
	般若	六者、請轉法輪
	方便	七者、請佛住世
	願	八者、常隨佛學
	力	九者、恒順眾生
	智	十者、普皆迴向
善財徵詢		善財白言：大聖！云何禮敬乃至迴向？
佛—— 禮敬 諸佛	禮敬	普賢菩薩告善財言：善男子！言禮敬諸佛者，所有盡法界、虛空界，十方三世一切佛刹，極微塵數諸佛世尊，我以普賢行願力故，起深信解，如對目前，悉以清淨身語意業，常修禮敬。一一佛所，皆現不可說不可說佛刹極微塵數身。一一身，遍禮不可說不可說佛刹及微塵數佛。（涅槃十波羅蜜即禮敬諸佛）
	微細 精進	虛空界盡，我禮乃盡，以虛空界不可盡故，我此禮敬無有窮盡。如是乃至眾生界盡，眾生業盡，眾生煩惱盡，我禮乃盡。而眾生界乃至煩惱無有盡故，我此禮敬無有窮盡。念念相續，無有間斷，身語意業，無有疲厭。
法—— 讚歎 如來	讚歎	復次，善男子！言稱讚如來者，所有盡法界、虛空界，十方三世一切刹土，所有極微一一塵中，皆有一切世界極微塵數佛；一一佛所，皆有菩薩海會圍遶。我當悉以甚深勝解，現前知見，各以出過辯才天女微妙舌根，一一舌根，出無盡音聲海，一一音聲，出一切言辭海，稱揚讚歎一切如來諸功德海。窮未來際，相續不斷，盡於法界，無不周遍。（菩薩十波羅蜜即名讚歎）
	微細 精進	如是虛空界盡，眾生界盡，眾生業盡，眾生煩惱盡，我讚乃盡。而虛空界乃至煩惱，無有盡故，我此讚歎無有窮盡。念念相續，無有間斷，身語意業，無有疲厭。
僧—— 廣修 供養	起深信解	復次，善男子！言廣修供養者，所有盡法界、虛空界，十方三世一切佛刹極微塵中，一一各有一切世界極微塵數佛，一一佛所，種種菩薩海會圍遶。我以普賢行願力故，起深信解，現前知見，悉以上妙諸供養具而為供養。（二十波羅蜜出生法界即名供養）
	興雲 然燈	所謂華雲、鬘雲、天音樂雲、天傘蓋雲、天衣服雲、天種種香、塗香、燒香、末香，如是等雲，一一量如須彌山王。然種種燈，酥燈、油燈，諸香油燈，一一燈柱如須彌山，一一燈油如大海水。以如是等諸供養具，常為供養。
	七 供 養	善男子！諸供養中，法供養最。所謂：
		如說修行供養，
		利益眾生供養，
		攝受眾生供養，

華嚴經普賢菩薩行願品之十大願王之二

僧——廣修供養	七供養	代眾生苦供養， 勤修善根供養， 不捨菩薩業供養， 不離菩提心供養。
	功德	善男子！如前供養無量功德，比法供養一念功德，百分不及一，千分不及一，百千俱胝那由他分、迦羅分、算分、數分、論分、優波尼沙陀分，亦不及一。何以故？以諸如來尊重法故。以如說修行，出生諸佛故。若諸菩薩行法供養，則得成就供養如來。如是修行，是真供養故。
	微細精進	此廣大最勝供養，虛空界盡，眾生界盡，眾生業盡，眾生煩惱盡，我供乃盡，而虛空界乃至煩惱不可盡故，我此供養亦無有盡。念念相續，無有間斷，身語意業，無有疲厭。
精進——懺悔業障	懺悔	復次，善男子！言懺悔業障者，菩薩自念：我於過去無始劫中，由貪瞋癡，發身口意，作諸惡業，無量無邊。若此惡業有體相者，盡虛空界不能容受。我今悉以清淨三業，遍於法界極微塵刹一切諸佛菩薩眾前，誠心懺悔，後不復造，恒住淨戒一切功德。（迴向無餘深入微細即名懺悔）
	微細精進	如是虛空界盡，眾生界盡，眾生業盡，眾生煩惱盡，我懺乃盡，而虛空界乃至眾生煩惱不可盡故，我此懺悔無有窮盡。念念相續，無有間斷，身語意業，無有疲厭。
禪定——隨喜功德	隨喜功德	復次，善男子！言隨喜功德者，所有盡法界、虛空界，十方三世一切佛刹極微塵數諸佛如來，從初發心，為一切智，勤修福聚，不惜身命，經不可說不可說佛刹極微塵數劫，一一劫中，捨不可說不可說佛刹極微塵數頭目手足。如是一切難行苦行，圓滿種種波羅蜜門，證入種種菩薩智地，成就諸佛無上菩提及般涅槃，分布舍利，所有善根，我皆隨喜。及彼十方一切世界，六趣四生，一切種類，所有功德，乃至一塵，我皆隨喜。十方三世一切聲聞及辟支佛，有學無學，所有功德，我皆隨喜。一切菩薩所修無量難行苦行，志求無上正等菩提，廣大功德，我皆隨喜。（空有一如真俗不異，有依空生，空依有顯即名隨喜）
	微細精進	如是虛空界盡，眾生界盡，眾生業盡，眾生煩惱盡，我此隨喜，無有窮盡。念念相續，無有間斷，身語意業，無有疲厭。
請轉法輪——般若	請轉法輪	復次，善男子！言請轉法輪者，所有盡法界、虛空界，十方三世一切佛刹極微塵中，一一各有不可說不可說佛刹極微塵數廣大佛刹。一一刹中，念念有不可說不可說佛刹極微塵數一切諸佛成等正覺，一切菩薩海會圍遶。而我悉以身口意業，種種方便，慇懃勸請，轉妙法輪。（依於空性而不捨有為即名請轉法輪）
	微細精進	如是虛空界盡，眾生界盡，眾生業盡，眾生煩惱盡，我常勸請一切諸佛，轉正法輪，無有窮盡。念念相續，無有間斷，身語意業，無有疲厭。
請佛住世——方便	請佛住世	復次，善男子！言請佛住世者，所有盡法界、虛空界，十方三世一切佛刹極微塵數諸佛如來，將欲示現般涅槃者，及諸菩薩、聲聞、緣覺，有學無學，乃至一切諸善知識，我悉勸請莫入涅槃。經於一切佛刹極微塵數劫，為欲利樂一切眾生。（隨心應量不墮空寂即名請佛住世）
	微細精進	如是虛空界盡，眾生界盡，眾生業盡，眾生煩惱盡，我此勸請，無有窮盡。念念相續，無有間斷，身語意業，無有疲厭。

華嚴經普賢菩薩行願品之十大願王之三

願 — 常隨佛學	常隨佛學	復次，善男子！言常隨佛學者，如此娑婆世界毘盧遮那如來，從初發心，精進不退，以不可說不可說身命而為布施。剝皮為紙，折骨為筆，刺血為墨，書寫經典，積如須彌。為重法故，不惜身命，何況王位、城邑、聚落、宮殿、園林，一切所有，及餘種種難行苦行，乃至樹下成大菩提，示種種神通，起種種變化，現種種佛身，處種種眾會，或處一切諸大菩薩眾會道場，或處聲聞及辟支佛眾會道場，或處轉輪聖王、小王眷屬眾會道場，或處刹利及婆羅門、長者、居士眾會道場，乃至或處天龍八部、人非人等眾會道場。處於如是種種眾會，以圓滿音，如大雷震，隨其樂欲，成熟眾生，乃至示現入於涅槃，如是一切，我皆隨學。如今世尊毘盧遮那，如是盡法界、虛空界，十方三世一切佛刹所有塵中一切如來，皆亦如是，於念念中，我皆隨學。（有為自在常住涅槃即常隨佛學）
	微細精進	如是虛空界盡、眾生界盡、眾生業盡、眾生煩惱盡，我此隨學無有窮盡，念念相續，無有間斷，身語意業，無有疲厭。
力 — 恒順眾生	恒順眾生	復次，善男子！言恒順眾生者，謂盡法界、虛空界，十方刹海所有眾生，種種差別。所謂卵生、胎生、濕生、化生；或有依於地、水、火、風而生住者；或有依空及諸卉木而生住者，種種生類，種種色身，種種形狀，種種相貌，種種壽量，種種族類，種種名號，種種心性，種種知見，種種欲樂，種種意行，種種威儀，種種衣服，種種飲食，處於種種村營、聚落、城邑、宮殿。乃至一切天龍八部、人非人等，無足、二足、四足、多足、有色、無色、有想、無想、非有想、非無想，如是等類，我皆於彼，隨順而轉。種種承事，種種供養。如敬父母，如奉師長及阿羅漢，乃至如來，等無有異。於諸病苦，為作良醫。於失道者，示其正路。於闇夜中，為作光明。於貧窮者，令得伏藏。菩薩如是平等饒益一切眾生。（力用如如不違法義即名恒順眾生）
	恒順眾生菩提因緣	何以故？菩薩若能隨順眾生，則為隨順供養諸佛。若於眾生尊重承事，則為尊重承事如來。若令眾生歡喜者，則令一切如來歡喜。何以故？諸佛如來以大悲心而為體故。因於眾生，而起大悲；因於大悲，生菩提心；因菩提心，成等正覺。 譬如曠野沙磧之中，有大樹王，若根得水，枝葉華果悉皆繁茂。生死曠野菩提樹王，亦復如是。一切眾生而為樹根，諸佛菩薩而為華果，以大悲水饒益眾生，則能成就諸佛菩薩智慧華果。何以故？若諸菩薩以大悲水饒益眾生，則能成就阿耨多羅三藐三菩提故。是故菩提屬於眾生。若無眾生，一切菩薩終不能成無上正覺。善男子！汝於此義，應如是解。以於眾生心平等故，則能成就圓滿大悲。以大悲心隨眾生故，則能成就供養如來。
	微細精進	菩薩如是隨順眾生，虛空界盡，眾生界盡，眾生業盡，眾生煩惱盡，我此隨順無有窮盡。念念相續，無有間斷，身語意業，無有疲厭。
智 — 普皆迴向	迴向	復次，善男子！言普皆迴向者，從初禮拜乃至隨順所有功德，皆悉迴向，盡法界、虛空界一切眾生。願令眾生，常得安樂，無諸病苦。欲行惡法，皆悉不成。所修善業，皆速成就。關閉一切諸惡趣門，開示人天涅槃正路。若諸眾生，因其積集諸惡業故，所感一切極重苦果，我皆代受，令彼眾生，悉得解脫，究竟成就無上菩提。（法界一真真俗不二即名普皆迴向）
	微細精進	菩薩如是所修迴向，虛空界盡，眾生界盡，眾生業盡，眾生煩惱盡，我此迴向，無有窮盡。念念相續，無有間斷，身語意業，無有疲厭。

華嚴經普賢菩薩行願品之十大願王之四

十種大願 普賢成就	善男子！是為菩薩摩訶薩十種大願，具足圓滿。若諸菩薩，於此大願，隨順趣入，則能成熟一切眾生，則能隨順阿耨多羅三藐三菩提，則能成滿普賢菩薩諸行願海。是故善男子！汝於此義，應如是知。
世間供養 及聞思修 所能成就 功德校量	<p>若有善男子、善女子，以滿十方無量無邊不可說不可說佛刹極微塵數一切世界，上妙七寶，及諸人天最勝安樂，布施爾所一切世界所有眾生，供養爾所一切世界諸佛菩薩，經爾所佛刹極微塵數劫，相續不斷，所得功德；若復有人，聞此願王，一經於耳，所有功德，比前功德，百分不及一，千分不及一，乃至優波泥沙陀分亦不及一。</p> <p>或復有人以深信心，於此大願受持讀誦，乃至書寫一四句偈，速能除滅五無間業，所有世間身心等病，種種苦惱，乃至佛刹極微塵數一切惡業，皆得銷除；一切魔軍、夜叉、羅刹、若鳩槃荼、若毘舍闍、若部多等飲血噉肉諸惡鬼神，皆悉遠離，或時發心親近守護。</p>
勤修成就 當如普賢	是故若人誦此願者，行於世間無有障礙，如空中月出於雲翳，諸佛菩薩之所稱讚，一切人天皆應禮敬，一切眾生悉應供養。此善男子，善得人身，圓滿普賢所有功德。不久當如普賢菩薩，速得成就微妙色身，具三十二大丈夫相。若生人天，所在之處，常居勝族，悉能破壞一切惡趣，悉能遠離一切惡友，悉能制服一切外道，悉能解脫一切煩惱。如師子王摧伏群獸，堪受一切眾生供養。
往生極樂 見四菩薩 得佛授記	<p>又復是人臨命終時，最後剎那，一切諸根悉皆散壞；一切親屬悉皆捨離；一切威勢悉皆退失；輔相大臣、宮城內外、象馬車乘、珍寶伏藏，如是一切無復相隨。唯此願王，不相捨離，於一切時，引導其前。一剎那中，即得往生極樂世界。</p> <p>到已即見阿彌陀佛、文殊師利菩薩、普賢菩薩、觀自在菩薩、彌勒菩薩等。此諸菩薩，色相端嚴，功德具足，所共圍遶。其人自見生蓮華中，蒙佛授記。</p> <p>得授記已，經於無數百千萬億那由他劫，普於十方不可說不可說世界，以智慧力，隨眾生心而為利益。不久當坐菩提道場，降伏魔軍，成等正覺，轉妙法輪。能令佛刹極微塵數世界眾生，發菩提心，隨其根性，教化成熟，乃至盡於未來劫海，廣能利益一切眾生。</p>
付囑流通 往生極樂	善男子！彼諸眾生，若聞、若信此大願王，受持讀誦，廣為人說，所有功德，除佛世尊，餘無知者。是故汝等，聞此願王，莫生疑念，應當諦受。受已能讀，讀已能誦，誦已能持，乃至書寫，廣為人說。是諸人等，於一念中，所有行願，皆得成就；所獲福聚，無量無邊！能於煩惱大苦海中，拔濟眾生，令其出離，皆得往生阿彌陀佛極樂世界。爾時，普賢菩薩摩訶薩，欲重宣此義，普觀十方，而說偈言： (普賢菩薩說六十二偈，見附54-1)
信 受 奉 行	爾時，普賢菩薩摩訶薩，於如來前，說此普賢廣大願王清淨偈已。善財童子，踊躍無量，一切菩薩，皆大歡喜。如來讚言：善哉！善哉！爾時，世尊與諸聖者菩薩摩訶薩，演說如是不可思議解脫境界勝法門時，文殊師利菩薩而為上首。諸大菩薩，及所成熟六千比丘，彌勒菩薩而為上首。賢劫一切諸大菩薩，無垢普賢菩薩而為上首。一生補處住灌頂位諸大菩薩，及餘十方種種世界，普來集會。一切刹海極微塵數諸菩薩摩訶薩眾、大智舍利弗、摩訶目犍連等而為上首。諸大聲聞，并諸人天一切世主、天、龍、夜叉、乾闥婆、阿脩羅、迦樓羅、緊那羅、摩睺羅伽、人非人等一切大眾，聞佛所說，皆大歡喜，信受奉行。

附54-1：華嚴經普賢菩薩行願品之普賢菩薩說偈之一

普賢行十波羅蜜行法	佛	禮敬諸佛	所有十方世界中，三世一切人師子，我以清淨身語意，一切遍禮盡無餘。 普賢行願威神力，普現一切如來前，一身復現刹塵身，一一遍禮刹塵佛。 於一塵中塵數佛，各處菩薩眾會中，無盡法界塵亦然，深信諸佛皆充滿。
	法	讚歎如來	各以一切音聲海，普出無盡妙言辭，盡於未來一切劫，讚佛甚深功德海。
	僧	廣修供養	以諸最勝妙華鬘，妓樂塗香及傘蓋，如是最勝莊嚴具，我以供養諸如來。 最勝衣服最勝香，末香燒香與燈燭，一一皆如妙高聚，我悉供養諸如來。 我以廣大勝解心，深信一切三世佛，悉以普賢行願力，普遍供養諸如來。
	精進	懺悔業障	我昔所造諸惡業，皆由無始貪恚癡，從身語意之所生，一切我今皆懺悔。
	禪定	隨喜功德	十方一切諸眾生，二乘有學及無學，一切如來與菩薩，所有功德皆隨喜。
	般若	請轉法輪	十方所有世間燈，最初成就菩提者，我今一切皆勸請，轉於無上妙法輪。
	方便	請佛住世	諸佛若欲示涅槃，我悉至誠而勸請，唯願久住刹塵劫，利樂一切諸眾生。 所有禮讚供養福，請佛住世轉法輪，隨喜懺悔諸善根，迴向眾生及佛道。
	願	常隨佛學	我隨一切如來學，修習普賢圓滿行，供養過去諸如來，及與現在十方佛。 未來一切天人師，一切意樂皆圓滿，我願普隨三世學，速得成就大菩提。 所有十方一切刹，廣大清淨妙莊嚴，眾會圍遶諸如來，悉在菩提樹王下。
	力	恒順眾生	十方所有諸眾生，願離憂患常安樂，獲得甚深正法利，滅除煩惱盡無餘。 我為菩提修行時，一切趣中成宿命，常得出家修淨戒，無垢無破無穿漏。 天龍夜叉鳩槃荼，乃至人與非人等，所有一切眾生語，悉以諸音而說法。 勤修清淨波羅密，恒不忘失菩提心，滅除障垢無有餘，一切妙行皆成就。
	智	普皆迴向	於諸惑業及魔境，世間道中得解脫，猶如蓮華不著水，亦如日月不住空。 悉除一切惡道苦，等與一切群生樂，如是經於刹塵劫，十方利益恒無盡。 我常隨順諸眾生，盡於未來一切劫，恒修普賢廣行，圓滿無上大菩提。
普賢行無量精進	涅槃十波羅蜜	佛	所有與我同行者，於一切處同集會，身口意業皆同等，一切行願同修學。
		法	所有益我善知識，為我顯示普賢行，常願與我同集會，於我常生歡喜心。
		僧	願常面見諸如來，及諸佛子眾圍遶，於彼皆興廣大供，盡未來劫無疲厭。
		精進	願持諸佛微妙法，光顯一切菩提行，究竟清淨普賢道，盡未來劫常修習。
		禪定	我於一切諸有中，所修福智恒無盡，定慧方便及解脫，獲諸無盡功德藏。
		般若	一塵中有塵數刹，一一刹有難思佛，一一佛處眾會中，我見恒演菩提行。
		方便	普盡十方諸刹海，一一毛端三世海，佛海及與國土海，我遍修行經劫海。
		願	一切如來語清淨，一言具眾音聲海，隨諸眾生意樂音，一流佛辯才海。
		力	三世一切諸如來，於彼無盡語言海，恒轉理趣妙法輪，我深智力普能入。
		智	我能深入於未來，盡一切劫為一念，三世所有一切劫，為一念際我皆入。
	菩薩	佛	我於一念見三世，所有一切人師子，亦常入佛境界中，如幻解脫及威力。
		法	於一毛端極微中，出現三世莊嚴刹，十方塵刹諸毛端，我皆深入而嚴淨。
		僧	所有未來照世燈，成道轉法悟群有，究竟佛事示涅槃，我皆往詣而親近。

附54-1：華嚴經普賢菩薩行願品之普賢菩薩說偈之二

普賢行無量精進	菩薩十波羅蜜	精進	速疾周遍神通力，普門遍入大乘力，智行普修功德力，威神普覆大慈力。
		禪定	遍淨莊嚴勝福力，無著無依智慧力，定慧方便諸威力，普能積集菩提力，
		般若	清淨一切善業力，摧滅一切煩惱力，降服一切諸魔力，圓滿普賢諸行力。
		方便	普能嚴淨諸刹海，解脫一切眾生海。善能分別諸法海，能甚深入智慧海。
		願	普能清淨諸行海，圓滿一切諸願海，親近供養諸佛海，修行無倦經劫海。
		力	三世一切諸如來，最勝菩提諸行願，我皆供養圓滿修，以普賢行悟菩提。
		智	一切如來有長子，彼名號曰普賢尊，我今迴向諸善根，願諸智行悉同彼。
普賢行圓滿成就	涅槃十波羅蜜成就	佛	願身口意恒清淨，諸行刹土亦復然，如是智慧號普賢，願我與彼皆同等。
		法	我為遍淨普賢行，文殊師利諸大願，滿彼事業盡無餘，未來際劫恒無倦。
		僧	我所修行無有量，獲得無量諸功德，安住無量諸行中，了達一切神通力。
		精進	文殊師利勇猛智，普賢慧行亦復然，我今迴向諸善根，隨彼一切常修學。
		禪定	三世諸佛所稱歎，如是最勝諸大願，我今迴向諸善根，為得普賢殊勝行。
		般若	願我臨欲命終時，盡除一切諸障礙，面見彼佛阿彌陀，即得往生安樂刹。
		方便	我既往生彼國已，現前成就此大願，一切圓滿盡無餘，利樂一切眾生界。
		願	彼佛眾會咸清淨，我時於勝蓮華生，親觀如來無量光，現前授我菩提記。
		力	蒙彼如來授記已，化身無數百俱胝，智力廣大遍十方，普利一切眾生界。
		智	乃至虛空世界盡，眾生及業煩惱盡，如是一切無盡時，我願究竟恒無盡。
	菩薩十波羅蜜成就	佛	十方所有無邊刹，莊嚴眾寶供如來，最勝安樂施天人，經一切刹微塵劫。
		法	若人於此勝願王，一經於耳能生信，求勝菩提心渴仰，獲勝功德過於彼。
		僧	即常遠離惡知識，永離一切諸惡道，速見如來無量光，具此普賢最勝願。
		精進	此人善得勝壽命，此人善來人中生，此人不久當成就，如彼普賢菩薩行。
		禪定	往昔由無智慧力，所造極惡五無間，誦此普賢大願王，一念速疾皆銷滅。
		般若	族姓種類及容色，相好智慧咸圓滿，諸魔外道不能摧，堪為三界所應供。
		方便	速詣菩提大樹王，坐已降伏諸魔眾，成等正覺轉法輪，普利一切諸含識。
		願	若人於此普賢願，讀誦受持及演說，果報唯佛能證知，決定獲勝菩提道。
		力	若人誦此普賢願，我說少分之善根，一念一切悉皆圓，成就眾生清淨願。
		智	我此普賢殊勝行，無邊勝福皆迴向，普願沈溺諸眾生，速往無量光佛刹。

(返回第1286頁)